

雞峯普濟方卷第九

馮翊賈兼重校定

勞症

出毛元治肺疼久嗽夢見先亡或夢中飲食亡精失血多怒少睡飲食不入漸漸羸瘦及骨蒸虛勞傳染鬼氣服之

雄黃

大蒜

杏仁

各壹兩

右除雄黃外先搗如泥入乳鉢內與雄黃同研勻日內嗽候可元即元如梧桐子大每服二十一元凌晨空心清米飲下服畢不得洗手頻看十指甲中有毛出逐旋拭了至辰時候方得洗手

百勞煎治勞嗽旦輕夕重增寒壯熱少喜多噎忽進忽退面色不潤積漸少食必入肺脉緊浮者宜服

杏仁

半斤

新垣餅

壹斤口小者

右取杏仁於垣餅內以童子小便二升浸七日瀉出去小便以煖水淘過於沙盆內研如泥別用垣餅以小便三升煎之如膏量其輕重食上熟水調一匙至半匙室女婦人服之妙以炒麵和膏為元尤佳白湯下食後

安息香湯

治惡症入心欲死宜服此方

安息香

半兩

右為末分為二服以熱酒和服之不以時

阿魏藥法

主一切尸症惡氣療人有親近死屍惡氣入腹

終身不痊遂至死亡醫所不療亦主一切症神効方

阿魏

參兩研如麻子大

右一味以餛飩麵裹半兩熟煮吞之日三服滿三七日
求差忌五辛油麵生冷酢滑以酒服之即差

皂莢元治骨蒸傳屍鬼氣

右取皂莢并樹白皮及棘刺各五片燒爲灰水淋取汁
更於灰上再淋如此三五遍即煎成霜取二兩入麝香
三錢同細研用軟餅和元如小豆大每服空心以酒下
七元瀉下勞虫即愈如未利即加元服之以利爲度

桃仁粥方

治傳尸骨蒸鬼氣咳嗽氣急不能下食及疰癖

氣日漸黃瘦

桃仁

貳兩

右以水二盞半和桃仁研取汁煮米二合煮粥空腹食

青蒿煎治一切勞瘦

青蒿

細劉嫩者壹升

右以水三升童子小便五升同煎成膏元如桐子大每服十元溫酒下不以時

治尸疰

鬼疰遁尸腹脹氣急衝心或成塊起或牽腰脊痛

右以炒鹽熱以青布裹熨之

白柘湯

治人素有勞根苦作便發發則身躰百節皮膚疼

痛或熱極筋急

右以白柘東南根一尺去皮取中皮炙熟細切爲末每

服三錢溫酒調下

地黄湯

治勞瘦

生地黄

麵各壹斤

右杵爛炒焙乾為末每服二錢米飲或酒調下非時

茯神散治積熱勞瘦婦人產後血虛潮熱蓐勞五心有熱

皆療累有驗

茯神

牡丹皮

地骨皮

官桂

山茵陳

人參

白芍藥

甘草

丹參

玄參

胡黃連

石解

柴胡

各壹兩

麥門冬

叁分

犀角末

羚羊角末

各半兩

右為細末每服二錢水一盞生薑三片同煎至五七沸

溫溫和滓服之食後

大麥煎散治勞氣四肢煩疼拘急勞倦煎治虛風

九肋鱉甲壹兩半

銀州柴胡

秦光各壹兩木香

川烏頭各半兩

乾漆

乾葛石葛蒲宣連各壹兩

官桂

黑附子各半兩

石斛

沉香各壹兩

右件藥細剉如豆每服一兩用小麦湯一升同煎至五合去滓溫分二服

麝香散治氣勞及一切痞氣胃滿膈疼痛不利

沉香白朮各半兩人參叁分肉豆蔻伍分檳榔叁分

木香半兩官桂陳橘皮枳殼荊三稜

草豆蔻各叁分厚朴丁香訶子

茯苓益智青橘皮蓬莪茂各半兩

甘草

壹兩

乾薑

壹分

郁李仁

湯浸去皮放乾研如膏入白麵壹大匙鹽水和餅子煨令黃香熟用

右件藥除郁李仁外為細末後以郁李仁餅子與藥同搗羅令細更研入真麝香半分令和勻每服一錢生薑湯調下入鹽點亦得神妙

團參補氣元

治積勞損或因大病後不復常苦四肢沉滯

骨肉酸疼吸吸少氣行步喘噎心中虛悸口燥咽乾漸致瘦削痰唾稠粘飲食減少夢寐失精神思不樂

大豆黃卷

熟地黃

神麴

當歸

桂

各伍分

防風

芍藥

白朮

杏仁

麥門冬

芎藭

各叁分

薯蕷

拾伍分

甘草

阿膠

人參

各叁兩半

桔梗

茯苓

芫胡

各壹兩半

乾薑

壹兩半

白欽壹分

右為細末蒸棗肉二百枚為膏和元如梧桐子大每服
二十元米飲或溫酒下空心服

大羌活元 治肝臟風勞筋脉拘急頭目不利腰脚冷疼四

肢羸瘦

羌活壹兩半

茯神

五加皮

鹿茸

防風

牛膝

桂心

五味子

熟乾地黄

生乾地黄

鬼絲子

栢子仁

酸棗仁

山茱萸

巴戟各壹兩

右為細末煉蜜和搗三二百杵元如梧桐子大每日空

心溫酒下四十元晚食前再服

生乾地黄元 治肝臟風勞頭眩多忘憂恚不足面色青黃

生乾地黄

防風

薯蕷

伏神

山茱萸

桂心

天雄

遠志

栢子仁

川椒

細辛

枳實

甘菊花

各壹兩

甘草

分叁

右為細末煉蜜和元如梧桐子大杵三五百下每服食前以溫酒下二十元

橘皮桃仁元

治勞熱傷心有長蟲長一尺貫周心為病令

人心痛

雷元

狼牙刺

陳橘皮

貫眾

桃仁

蕪荑

青箱子

蜀漆

桃白皮

吳茱萸根

各壹兩

白殭蚕參柒个

乱髮灰參分

右為細末煉蜜和元杵三百下元如梧桐子大每服空心以粥飲下三十元以蟲下為度

白朮散治脾勞胃中虛冷飲食不消腹脇脹滿憂恚不樂

白朮參兩

白茯苓 厚朴

人參各貳兩 桂心

陳翹

吳茱萸各參分

草豆蔻 大麥孽

木香

陳橘皮

檳榔各壹兩

右為細末每服二錢食前溫酒調下

蕪荑煎元治脾勞飲食不節口苦舌澁多吐清水四肢黃

瘦雖食不成肌膚大腸時時澀滑

蕪荑仁

貳兩為末以米醋貳升煎為膏

人參參分

木香半兩

陳橘皮

兩壹丁香

乳香

肉豆蔻

各半兩

附子

縮砂

香附子

枳實

白朮

厚朴

肉桂

萆薢

辛夷

各參分

右爲細末入蕪荑煎和令勻更入蜜和搗三五百杵元如梧桐子大每服空心及晚食前以粥飲下二十元漸加至三十元

黃耆散

治肺勞少氣津液不通皮毛枯燥常服思食補虛

黃耆

赤芍藥

五味子

天門冬

白茯苓

人參

杏仁

生乾地黄

各壹兩

桂心

甘草

半夏

各參分

右件藥搗羅為散每服四錢水一中盞生薑半分棗三枚煎至六分去滓不計時候溫服忌鯉魚飴糖

天門冬元治肺勞痰嗽氣促下焦虛損上焦煩熱四肢羸瘦

天門冬 麥門冬 鱉甲 熟乾地黄 各貳兩

牛膝 人參 黃耆 杏仁 白茯苓

薯蕷 五味子 石斛 枸杞子 沉香

訶梨勒皮 肉蓯蓉 各壹兩 紫苑 叁分

右為細末煉蜜和搗三五百杵元如梧桐子大每服食前以棗湯下三十元忌鯉魚葷菜

麥門冬元治肺勞經久即生蟲在肺令人欬逆氣喘或為

憂寒氣隔寒熱

附子

人參

細辛

桂心

遠志

百部

黃耆

杏仁

各壹兩

麥門冬

貳兩

川椒

乾薑

各半兩

右為細末煉蜜和搗三二百杵元如彈子大每服綿裹一元含化嚥津

小羊腎湯治腎勞虛損面黑耳聾腰脚疼痛小便滑數

磁石

肉苁蓉

各壹兩

白茯苓

桂心

石菖蒲

附子

五味子

當歸

芎藭

石斛

桑螵蛸

杜仲

各半兩

熟乾地黄

壹兩

右件藥搗篩為散每服用羊腎一對切去脂膜以水一

盞半煎至一盞去腎下藥末半兩入生薑半分煎至五分去滓空心溫服晚食前再服

大羊腎湯

治腎勞虛寒面腫垢黑腰脊痛不能久立屈伸

不利夢悸驚悸上氣小腹裏急痛引腰脊四肢苦寒小便

白濁

人參

白芍藥

各壹兩

麥門冬

壹兩半

熟乾地黄

杜仲

當歸

芎藭

遠志

白茯苓

石斛

五味子

桂心

續斷

各壹兩

黃耆

半兩

磁石

叁兩

右為鹿末每服用羊腎一對切去脂膜以水一盞半煎至一盞去腎下藥末五錢入生薑半分棗三枚煎至五

分去滓空心及晚食前温服

防風散 治風勞躄虛食少羸劣筋脉不利手足疼痛

防風

天麻

海桐皮

附子

沉香

各壹兩

桂心

芎藭

白朮

白茯苓

山茱萸

熟乾地黄

各壹分

枳殼

半兩

右為鹿末每服二錢水一盞入生薑三片煎至六分去

滓食前温服

巴戟散 治風勞氣血不足臟腑虛傷肢節煩疼腰膝無力

形體羸瘦面色痿黃小便數多卧即盜汗

巴戟

栢子仁

石龍芮

天麻

牛膝

牡蠣

兔絲子

天雄

各壹兩

萆薢

防風

羌活

當歸

桑螵蛸

各叁分

肉苁蓉

各貳兩

右為細末每服二錢空心及晚食前以溫酒調下

樟木散

治風勞羸瘦面色青黃肢節煩重神思不安臟腑

虛傷有虫作梗令人心躁食飲無味

樟木瘤節

皂莢木瘤節

槐木瘤節

各叁兩

天靈蓋

壹兩

牛黃

叁分

麝香

半兩

右為細末入牛黃麝香研令勻每服空心及晚食前以

溫酒調下二錢

薄荷煎

治急勞骨蒸

薄荷汁

生地黃汁

青蒿汁

各壹升

童子小便貳升

桃仁叁兩

麝香貳錢

朱砂壹兩

秦艽叁兩

右件藥用薄荷等汁取小便同煎然後下桃仁膏及朱砂等以慢火熬候可元即元如梧桐子大每日空腹以清粥飲下三十元晚食前再服

獼猪肝元治急勞瘦病

獼猪肝肆兩

柴胡

黃連各貳兩

訶梨勒皮貳兩半

甘草壹兩

鼈甲貳兩

右件藥先將肝用童子小便五升煮以小便盡為度取出薄切焙乾與諸藥同搗羅為末用猪膽汁和杵三百下元如梧桐子大每日空心及晚食前以粥飲下三